



8. ՆՈՒՆՈՒՏԻ ՔԱՉԱԼ

Մի պառավ կնիկ կար, մի թռռ ուներ, էլ զատ չուներ. էդ թռռն էլ Քաչալ էր, էդ Քաչալին տարավ նոքար տվեց՝ չէլավ, թողաց փախավ. հորթարած տվեց՝ թողաց փախավ. ի՛նչ բանի տվեց՝ թողաց փախավ:

Պառավը ասեց.— Գրողը տանի քե՛ղ, ի՛նչ բանի տալիս ենք՝ փախնում ես, մեր ճարը մո՞նց պըտի ըլլի, Քեղ պըտի տանեմ մի հարուր մանեթի ծախեմ՝ բերեմ ուտեմ, շարի մեռնեմ. էլ իլաճ չկա:

Քաչալի թեիցը բռնեց տարավ բազար:

Ասեց.— Ծախում եմ էս մուսուպաթ Քաչալին. ինչ բանի տալիս եմ փախնում ա:

Ով էկավ, էրեսին մտիկ արեց, ասեց.— էդ պահելու բան չի:

Սարումը քառասուն դող կար. դողերի մեկն էկել էր հաց առնելու. հացն առավ փոխը, դրեց ղութուղը, էկավ որ պըտի էթար դպա սարը, էդ պառավի կշտին կաղնեց, ասեց.

— Պառավ, ինչ Քաչալ ա՛ պահել ես:

Ասեց.— էս իմ թռռն ա. դրողի տարածն ի՛նչ բանի տվեցի՝ չմտավ. հըմի բերել եմ, որ ծախեմ:

— Ի՞նչ ա գինը,— ասեց,— ես առնեմ, տանեմ, մեր ձիանը պահեմ:

Ասեց.— Հարուր մանեթ ա ըստրա գինը:

Հարուր մանեթ տվեց ու առավ:

Պառավն ասեց.— Գրո՛ղ տանի քեզ, դե գնա, ես քու էրեսիցը պրծա:

էգ գողը նոխուտի Քաշալին առավ, քցեց ձիու աղաքը, ասեց.— Դե՛, վազի, էթանք սարը ղպա:— Տարավ սարը, իրանց զաղեն:

Հարամիրաշին դուռ էկավ զաղիցը, ասեց.

— Խի՞ ետացար, մենք սոված մեռանք, հը՛:

— Հարուր մանեթ տվեցի մի պառավի, էս տղեն առա:

Հարամիրաշին տղին թամաշա արեց, ասեց.

— Ա՛յ հա՛յ, էս ի՞նչ մուսուլաթ Քաշալ ա, կորցրա. ափսոս քու հարուր մանեթը, ըստուց անպատճառ մեզ խաթա կգա, վեր կալ տար կորցրա՛:

Ասեց.— Մենք քառասուն ձիավոր ենք, սաղ երկիրը մեզանից վախում են, էս ի՞նչ ա, որ ըստուց խաթա գա. մի շափալախ տամ, կմեռնի, բերել եմ, որ մեր ձիանոցը եմ տա, ջրի, փեյիներ թափի:

Ասեց.— Դու գիտաս:

— Դե՛,— ասեց,— թամաշա արեք, բազրկյան գալի՞ս ա:

Թամաշա արին, ասեցին.— Արևելքի կողմիցը մի ջատ ծանտր բազրկյան ա գալի:

— Որ ծանտր ա, դե՛,— ասեց,— բիրադինով նիլեք ձիանը:

Ասեցին.— Քաշա՛լ, ըստի կաց, շանք մենք էթանք, գանք:

Ընդունք գնացին ձորի միջով, որ պտրտեն, գան ընկնեն ճանփեն, աղաքները կտրեն: Քաշալն քարերի վրով նիլավ, թամաշա արեց բազրկյաններին, ասեց.— Տենամ, ինչդար բազրկյան կան:

Գնաց ու մտավ բազրկյանի մեջ, ասեց.— Ձեր բազրկյանբաշին որն ա:

Ընդիան մեկն էկավ.— Հը՛, Քաշալ, ի՞նչ ես ասում:

Ասեց.— Հըմի քառասուն ձիավոր ձեզ վրա կտան. բեռները ըստի վեր ածեք, ժած մի գաք. մի թուր, մի դալխան տվեք ինձ, մի ուրիշ արա էլ տվեք, հաքնեմ, որ ինձ շճանաշեն:

Աբեն տվին, մի թուր ու դալիան էլ տվին, կապեց վրին, զալխանն էլ առավ ձեռը, ասեց.

— Էկե՛լ և՛ ձեզ քումակ. ընձի հարուր մանեթ փող տվեք, որ ձեզ ընդոնց ձեռիցն աղատեմ:

Բաղրկյանը հանեց հարուր մանեթ, ալպեալը համրեց, Քալալը դրեց ծոցը:

Ասեց.— Էլ չվախենաք, դալիմ կաղնեք:

Էդ քառասուն ձիավորը ռադրկյանների վրա տվեց: Քալալը էկավ մեյդան կոփվ. որի ոտը կոտրեց, որի թևը կոտրեց, որի ձիունը տվեց:

Տասնէրկու սահաթ կովեցին, մի զատ չկարացին տանել:

Հարամիրաշին ասեց.— Կասես էս մեր նոխուտի Քալալն ըլլի. ողոս սըֆաթին ա:

Հարամիքը հտ դառան դըպա իրանց զաղեն:

Քալալն ասեց.— Բաղրկյան՝ բաշի՛, էս քու թուրը, էս քու դալխանը, էս էլ քու արեն, ռառցեք ու գնացեք. ես էթում եմ:

Քալալն սարիցը վե էկավ, մտավ զաղեն:

Մեկ էլ տեհավ, հըրես հարամիք բիրատի իրարու հտե էկան:

Հարամիքաշին թուրը քաշեց, որ տա սպանի Քալալին, առեց.— Քյոփոլլի մուսուպաթ Քալալ, քեզ պես բետ սըֆաթ մի քալալ էլ ընտի կար, չկարացինք մի զատ բերել:

Սեկե՛լ հարամիք ասեցին.— Էս ի՞նչ ա, ձեռիցը ինչ կգա, որ ըստրան սպանում ես:

Ասեց.— Բետ սըֆաթ ա. ըստրան էրեսը տեսնողի բանը չհաշողի:

Ձիանոցիցը վեր էկան, թամբերը վե կալավ Քալալը, թիմարեց, քրտինքները սրբեց, կապեց, դարման, գարի տվեց:

Հարամիրաշին ասեց.— Տղե՛ք, ո՞րը պըտի եթա մեզ համար հաց բերի:

Հարամու մեկը ասեց.— Բիրատի էլ յարալու ենք. էթանք թաղարը կըռնվենք. Քալալին զրկենք, էթա հաց բերի:

Հարամիրաշին ասեց.— Քալալ շա՛ն, արի ըստե մի տենամ: Քալալը ղշի զալտա վաղեց, աղաքը կաղնեց, ասեց.

¹ Բնադրում եղել է՝ հարամի, հավանաբար տպագրական վրիպակ է. ուղղել ենք (Մ. Կ.):

— Աղա ջա՛ն, հրաման:

Ասեց.— Ա՛ռ տասը մանեթ, էս սահաթը հաց կառնես ու կգաս:

Քաշալն մի մեշոք վե կալավ, թռավ, գնաց դըպա բազարը. տասը մանեթի հաց առավ: Ասեց.— Մե էթամ իմ տատին տենամ, մե էրկու հաց էլ տամ, տատս ուտի:

Գնաց, մտավ տուն, ասեց.— Բա՛րե, տատի ջա՛ն:

— Վա՛յ բարով, Քաշալ ջան, դու բարո՛վ էկար:

Ասեց.— Տատի՛, հո՞ սոված չե՞ս:

Ասեց.— Զէ՛, հարուր մանեթից էրկու մանեթ եմ խարճե:

— Ա՛ռ, տատի, հարուր մանեթ էլ բերել եմ՝ էս էլ դիր ըզրա վրա:

Ասեց.— Գլխիդ ղուրբան Քաշալ ջա՛ն, բանդ խո զոռ չի՞. էդ որտիա՛ն բերեցիր:

Ասեց.— Դարտ մի աներ, շա՛տ կբերեմ, մերը մեռնի Քաշալին, ընդոնք ի՛նչ են, որ ինձ նեղութուն տան:

Ասեց.— Դե՛, տատի, հտացա, մնա՛ս բարին:

Ասեց.— Տատին քե ղուրբան, գնա՛:

էրկու էրեսն էլ պաշեց, ճանապարհ գրեց:

Քաղաքից դուս ընկավ. հենց արեւը մտավ, մութն ընկավ, ճանփեն կորցրեց, դնաց դպա գերեզմանները:

Մտավ գերեզմանատունը տաս-տասնէրկու ղուպուր դրած էր, մտավ մեջը, ղուպուրի տակը պառկեց:

Գշերվա կեսը անց էր կացել, տեհավ մի մարդ մտավ ներս. մի մարդ, որ ջանավարի պես, ազրայիլի պես, ասպապը վրեն, ամեն բանը թաքմիլ:

էկավ, մեռնները բաց արեց, թամաշա արեց, ասեց. «էս մեկին տեր ունենա, կըսաղանա»:

Բիրա՛տի ըդենց վարավուրդ արեց, դուս էկավ, որ էթա:

Քաշալն ասեց.— էս էլ աղամարդկություն չի. էն զա, թամաշա անի, ես ըստի պառկած մնա՛մ:

Վազեց, ասեց.— Ո՛ւր ես էթում. դու նոխուտի Քաշալի անուն չե՞ս լսե:

Հասավ բռնեց:

Իրար հեղդեցին, էնդար հեղդեցին, շարի լիսը բացվեց, Ուղում ա փախչի, Քաշալը չի թողնում:

Անճախ փախավ, պրծավ, Քաշալ մաշիկը խլեց: Մաշիկը դրեց ծոցն ու հացն էլ վե կալավ, գնաց: Գնաց, հասավ հարամի-քանցը, մտավ գաղեն:

Հարամիրաշին ասեց.— Մուսուպաթ Քաշալ, մեզ սոված կոտորեցիր, էս խի՞ հտացար:

Ասեց.— Աղա՛, ձեր բասն ին անըմ բաղրկանները, որ գալին բռնեին ձեզ. տեսա բան չէլավ, էկա:

Ասեց.— Ըսենց թեղ էկար, գշերը որտի՞ իր բա:

Ասեց.— Մնացի դերեղսանատանը:

— Մուսուպաթ Քաշալ, հարուր ձիավոր սիրտ չի անի ընտե մտնի, դու մո՞նց մըաար: Մի ձի նիլ, առ տաս մանեթ, գնա հաց առ, արի, ըստիան քոչենք էթանք. թեղ պրտի գաս, հա՛:

Քաշալն ձին նիլավ, դպա քաղաքը կրակի պես ա գալի: էկավ իրանց դռանը կաղենց.— Տատի՛, տատի՛, — ձեն տվեց:

Դուռ էկավ, ասեց.— Ի՞նչ ա, Քաշալ շա՛ն:

Ասեց.— Տատի՛, տանը կաց, տեղ չլթաս. էս մաշիկը տանեմ, ծախեմ, փողը բերեմ դնեմ տունը, էթամ:

— Կա՛յ, բաշկա թայն էլ բերեիր, շուխտ ըլլեր, կհաղենի:

Ասեց.— Տատի՛, էս կծախեմ, շուխտ մաշիկ կառնեմ, կգամ:

Գնաց, փոխը հաց առավ, քցեց ձիու վրա, ասեց.— Յավա՛շ, մաշիկն էլ ծախեմ, նո՛ր էթամ:

Դնաց, մի ջհուտ սառաֆի մոտ կաղենց:

Ասեց.— էս մաշիկը շե՛ս առնի:

Ասեց.— Տենա՛մ:

Ասեց.— Ա՛ռ տես:

Ջհուտը թամաշա արեց, մտքումը ասեց. «Կաժենա տասը հաղար մանեթ»:

— Քաշալ, — ասեց, — էս մաշիկը քե որդիա՞ն ա:

Ասեց.— Որդիան, որդիան՝ քեղ ինչ. առնո՛ւմ ես՝ փողը տո՛ւր, շես առնում՝ իմ մաշիկը տո՛ւ, էթամ:

Ասեց.— Իմ հոր խազինեն կտրել են. էս մաշիկը միջին էր, ես անջախ իմ նշանեն դթա:

Ասեց.— Սուտ ես ասում, իմ մաշիկը տո՛ւ, — ու հասավ, յախեն բռնեց:

Ջհուտն ու Քաշալը իրար տվին, քաշքըշելով իրար տարան թաքավորի մոտը գանգատ:

Ջհուտն ասեց.— Թաքավոր ասրած, իմ հոր խաղինքն կըտ-
քել ին, անշախ նշանեն դթա:

Քաշալն ասեց.— Դրա մաշիկը չի, սո՛ւտ ա սսում:

Թաքավորը մաշիկը առավ, լավ թամաշա արեց, ասեց.— Իմ
խաղինքն ըսդրա կես զինը չհանի:

Թաքավորն ասեց.— Ջհո՛ւտ, ըստրա թայը կա՞, թե հենց
էս ա:

Ջհուտն ասեց.— Թայ չունի, հենց էս մինն ա:

Ասեց.— Քաշա՛լ, դու ինչ ես ասըմ, թայ ունի՞, թե չունի:

Ասեց.— Ունի թայ, կէթամ թայն էլ կբերեմ:

Թաքավորն ասեց.— Թե թայը բերեցիր՝ շհուտն ա սուտ ա-
սում, թե չբերեցիր՝ դու ես սուտ ասում:

Ասեց.— Բերե՛ք, պայման դրեք:

Ջհուտն ասեց.— Ծս իմ ասրանքը դրավ կդնեմ ըստի, ինչ-
դար ունիմ:

Ասեց.— Քաշա՛լ, դու ի՞նչ ես դնում:

Ասեց.— Ընծի զատ չունեմ, քառասուն աղբեր ունեմ, բե՛,
բռնա, թե մաշկի թայ բերեցի՝ ըղրա մալը ինձ, թե չբերեցի՝ իմ
քառասուն աղբեր քեզ ղուրբան, հեղդա:

Ասեց.— Դե՛, գնա՛, կանչա գան:

Ասեց.— Իմ խոսքով չեն դա, հաղար ձիավոր տուր ինձ,
էթամ բերեմ:

Թաքավորը հաղար ձիավոր հանեց, տվեց Քաշալին: Քաշալն
ընկավ աղաք. գնաց, մտավ ձորի մեջը:

Հարամիրաշին թամաշա արեց, ասեց.— Ջանը՛մ, էս Քաշալը
խի՞ չէկավ,— տեհավ Քաշալը աղաքը զալիս ա, ձիավորներին էլ
տուտ ու տակ չկա:

Հենց Հարամիրաշին նեքսե մտավ, ասեց.— Վերե՛ք, Քաշա-
լը մեր տունը քանդեց, էնքան ղոշուն ա բերե մեր վրա. ելեք,
ձիանը նիլեք, քու բերած Քաշալը քու գլուխն ուտի:

Ձիավորը էկան հասան, զաղի դուռը բռնեցին. մեկն էլ չկա-
րացին զաղիցը դուռ գային:

Ձիավորների մենծը ասեց.— Ձեզ ուրիշ բան չկա, թաքավո-
րը կանչում ա:

Հարամիրաշին ասեց.— էս էլավ քու արած բանը, Քաշա՛լ:

Քաշալը մաշիկը ծոցից հանեց, ասեց.— Աղա՛, խի՞ ես դարտ-

անում. Էս մաշիկի տեղ ձեզ գրավ եմ դնում, թե գնացի, ըստրա
թայր դթա բերեցի՝ կպրծնեք, թե չգթա՝ ձեզ պըտի հեզդեն, էլ
ի՞նչ կա. խի եք դարտ անում ըդրա համար:

Հարամիրաշին բռնողին ասեց.— Քու գլուխն ուտի քու բե-
րածը, Քաշա՛լն էն տեղը քցեց՝ որ մեզ պրծնում չկա:

Քաշալն ասեց.— Աղա ջա՛ն, գնացեք, էթանք, ըոկի մի՛
մտածեք:

— Քաշա՛լ,— ասեց,— տեղը չի՛, պրծար, մեր ջանն էլ գնաց:
Քաշալն ընկավ աղաք, բերեց թաքավորի կշտին կաղնացրեց,
ասեց.

— Թաքավո՛ր ապրած կենա, էս իմ աղբրտանքը:

Թաքավորն ասեց.— Վճիռն գիտաք ի՞նչ ա, թե Քաշալը
մաշիկի թայր բերեց՝ ջհուտի ապրանքը կառնեմ, կտամ ձեզ, թե
որ չի բերեց՝ ձեր քառասունին էլ պըտի հեզդեմ:— Էդ քառասունի
ոտներն բխով գրեցին, քցեցին դութսախխանեն:

Քաշալն ընկավ ճանփա, գնաց դուզ գերեզմանատունը: Գը-
նաց, պառկավ ղուպուրների մեջը:

Տասն օր պառկավ, մարդ-մադաթ չէկավ:

Ցերեկը մեռելը բերում քցում ու էթում ին. էդ Քաշալին
հարցնում ին:— Ա՛յ քու տունը չքանդվի մուսուկաթ Քաշալ, ի՞նչ
ա, գջեր-ցերեկ բանդ ես էլի ըստե:

Քաշալի իլաճը կտրվավ, էկավ էլի քաղաքը:

Ասեց.— էթամ ուրիշ քաղաք, մաշիկի թայր ըստե չէլավ:

Գնաց, ասեց.— էն մաշիկի տեղ գնացի, մաշիկ չկար ըստե.
մնաք բարո՛վ, ես էթում եմ մաշիկը բերելու:

Հարամիրաշին ասեց.— Քաշալ ջա՛ն, էն քառասուն ձին էլ
քեզ, քառասուն ձեռք ասպապն էլ քեզ, թաքիլան ըստինն մեզ
ազատա:

Ասեց.— Ի՞նչ եք դարտ անում, տաս օր ա անց կացե, եռե-
սուն օր հալա ժամանակ ունեք:

Քաշալը վեր կացավ ու գնաց ուրիշ քաղաք:

Ասեց.— էթամ ըստիան գերեզմանները ման գամ:

Գնաց գերեզմանները. գջերը ման էկավ դես, ման էկավ
գեն, էկավ, մի քարի տակ պառկավ:

Տեսավ էն մաշիկի տիրոջ պես մի մարդ էկավ ըտե, մի գե-

րեզմանաքար շուռ տվեց, ֆողը հետ տվեց, ղուպուրը հանեց-
ղուպուրի բերանը բաց արեց, մի ճիպոտ կար ձեռին՝ մի ճիպոտ
տվեց մեռելին. մեռելը սաղացավ, էն մեռելի հետ նստեցին, քեֆ
արին: Մի ճիպոտ էլ տվեց, էլի մեռավ: Ֆողը տվեց վրեն, քարը
քցեց վրեն, որ էթար:

Քաշալը վե կացավ:— Հա՛յ քու մերը մեռնի, նոխուտի Քա-
շալի անուն չես լսե,— ասեց,— հասավ բռնեց. իրար քոլոլեցին,
իրար շարդեցին: Հըմի մարդը ուղում ա փախնի, Քաշալը չի թո-
ղում ձեռաց: Քաշալը ձեռ ա քցում ոտաց, տենում ա մաշիկ չկա
ոտին: Ձեռը քցեց, էն ճիպոտը բռնեց. էրկու իրեք սահաթ քա-
շեցին՝ էն դեն էր քաշում, էն՝ դենը: Լիսը բացվեց. էդ մարդ ճի-
պոտը թողաց Քաշալի ձեռը, անճախ փախավ:

Լիսը բացվավ, էկավ քաղաքի մեջը, տեհավ բիրատի էդ քա-
ղաքի մեծավորները թևերը սև են կապե:

Ասեց.— էս խի՞ են սև կապե:

Ասեցին.— էս թաքավորի տղեն իրեք օր ա մեռել ա:

Ասեց.— Ես թաքավորի տղին կսաղացնեմ, իմ ուզածը կտա՞:

Ասեցին.— Ինչ ուզես կտա:

Խաբար տարան թաքավորին, ասեցին.— Մի Քաշալ մարդ ա
էկե, ասըմ ա. «Թաքավորի տղին կսաղացնեմ»:

Թաքավորն ասեց.— Հա՛ գիտի, ո՛րտի կըլի, գթեք, բերեք:

Քաշալին գթան, տարան: Քաշալը գնաց, օխտը անգամ գլուխ
տվեց, կաղնեց:

Ասեց.— Ա՛յ տղա, իրեք օր ա իմ տղեն մեռել ա, կարող ես
սաղացնես:

Ասեց.— Հրամանքե, կարող եմ:

Ասեց.— Դե՛, գնա, սաղացրա՛, ինչ որ ուզում ես, պըտի
տամ:

Վե կացան, Սինոդի անդամները թաքավորի հետ գնացին-
դպա գերեզմանները, Քաշալն էլ հետները:

Գնացին, գերեզմանի քարը շուռ տվեցին, ֆողը ետ տվին,
ղուպուրը հանեցին. դափաղը բաց արին, մի ճիպոտ տալու բաշ-
տան, վե կացավ նստեց:

Վե կալան, ուրախություն արեցին, բերեցին պալատը:

Թաքավորն ասեց.— Դե՛, Քաշալ, ուզա, որ պըտի տամ՝ ինչ
որ սիրտդ ուզում ա:

Մաշիկը հանեց, դրեց թաքավորի աղաքը.— Ըստրա թայն
եմ ուզում,— ասեց:

Թաքավորը վե կալավ, մաշկին թամաշա արեց, ասեց.— Կա-
թենա իրեք միլիոն:

Ասեց.— Որդի՛, ըստրա թայը չունեմ: Տարեք Քաշալի քաշով
ոսկի տվեք:

Ասեց.— Թաքավոր՝ ապրած, զատ չեմ ուզում, որ ըստրա
թայը չկա, ես էթում եմ, ես մենակ մաշկի թային եմ ման գալի:

Ասեց.— Որդի՛, չկա:

Քաշալն ընկավ ճանապարհ, գնաց ուրիշ քաղաք:

Թամաշա արեց, էդ քաղաքի մանտրիցը շարի մեծը լաց ին
ջլում, ասեց.— Խի՞ եք լաց ըլլում:

Ասեցին.— Տենո՛ւմ ես էն գյամին, ծովու մեջ բանդ ա էլե,
էն բիրատի ցորեն ու ալիւր ա, պըտի դուս գա, որ մենք հաց
ուտենք, բանդ ա էլե, մենք սոված կոտորվանք. ընդու համար ենք
լաց ըլլում:

Ասեց.— Ես որ էթամ, տենամ գյամու տակը ինչ կա, որ բե-
քեմ, դրադը հանեմ, իմ ուզածը կտա՞ք:

Ասեցին.— Ի՛նչ ուզես, կտանք:

Վե կացան, լոթկեն դրեցին, տարան գյամու մոտը կաղնե-
ցին:

Մի խանչալ առավ, սկավ շրի տակը, մերը մեռնի Քաշալի¹.
հենց սկավ ու գնաց գյամու տակը:

Թամաշա արեց, մի հատ վիշապ գյամու շորս բոլորը կտրեւ
ա, գլուխը դրեւ ա պոչի վրա, գյամին ժած չի գալի:

Ձեռը քցեց, վիշապի պնչի վրա մի խզմա կա, խզման բռնեց,
խանչալով դռին տվեց, խզմեն պոկ էկավ, մնաց Քաշալի ձեռը,
վիշապը փախավ. գյամին երմիշ էլավ: Մի քիչ տեղ գնաց, Քա-
շալը դուս էկավ տակիցը, ասեց.

— Մերը մեռնի՞ ձեր, ո՛ւր եք քշում, Քաշալին թողնում ե՞ք,
ձեր էթիպարն է՞ս ա:

Ասեցին.— Վախում ենք էլի գյամին բանդ ըլլի:

Ասեց.— Մի՛ վախենաք, կազնեցրեք:

¹ Այս արտահայտությունը բնագրում առնված է փակագծերի մեջ. հաճա-
նաբար ասացողի ընդմիջարկությունն է (Մ. Կ.):

Կազնացրին. Քաշալը թռավ, գյամու վրա նստեց: Քշեցին, էկան ղրաղը:

Սաղ քաղաքը թռփ էլավ, էկան Քաշալին ուրախացրին, վեր կալան, թոցըրին, ասեցին.— Կեցցե՛ մեր Քաշալը:

Վե կալան, քանի մարդով տարան թաքավորի մոտը, ասեցին.— Թաքավորը սաղ ըլի, էս չըլեր քաղաքը բիրատի սոված կկոտորվին, դնաց մտավ գյամու տակը, պոկեց, բերեց:

Թաքավորն ասեց.— Ա՛յ Քաշալ, ուղա, որ պրտի տամ:

Մաջիկը ծոցիցը հանեց, դրեց թաքավորի աղաքը, ասեց.

— Ըսարա թայն եմ ուղում:

Թաքավորը վե կալավ, թամաշա արեց, տեհավ՝ էրկու-իրեք միլիոն արժողություն ունի:

Ասեց.— Ըստրա թայը շունեմ, ինչդար ոսկի ուղում ես, փեշ-քեշ կտամ քեղ, առ տա՛ր:

Ասեց.— Որ շունես, էթամ:

Ասեց թաքավորը.— Թայը շունես, ինչ պտի անես մաշիկը. էդ էլ տուր ընձի, ինչդար փող ուղես, կտամ:

Ասեց.— Ինչ ես ասում, քառասուն աղբերս էս մաշկի խաթեր գրավ եմ դրե, անկարելի բան ա, թայը որ չդթնեմ, քառասուն աղբորս էլ կհնդդեն:

Վե կացավ, դնաց ձորի միջով. աղաքը ընկավ մի բարակ ճանփա, ու դնաց. դնաց, մութն ընկավ, ընկավ մի ղաղի մեջ. դնաց պուճախում պառկավ:

Քիչ մնաց, տեհավ՝ մի առջ էկավ, պառկավ:

Քիչ մնաց, մի գել էլ էկավ. մի քիչ մնաց մի ասլան էլ էկավ: Գելն առջին ասեց.— Ինչո՞վ եք պարապում:

Ասեց.— Սա պըտըտում եմ, որտե ձեռս զատ ա ընկնում, ուտում եմ. որ չի ընկնում՝ էթում եմ, քաղաքի ղրաղը մի տեղ կա, պառկում եմ. ջուրը տակով գոգուալով էթում ա, անկանջ եմ աւըմ, էդ ա իմ բանը:

Ասեց.— Բա, գել, դու ինչո՞վ ես պարապում:

Ասեց.— Սա էլ էթում եմ, պտրտում եմ, թաքավորի սուրուկի մեջ ճակատը ղաշղա մի ոխշար կա, հալքս ընդրա վրա ա, ուզում եմ էն ոխշարը բռնեմ, ուտեմ: Թաքավորի աղջիկը կմեռնի, հիվանդ ա, ժամ պատարագ կանի, ամեն բանը կըողանա. համա էն ոխշարի գլուխը տան փուռը, էն ախշիկը ուտի՝ կըլլի մորե մեկ, կսաղանա:

Ասեցին.— Ասլա՛ն, բա դու ինչո՞վ ես պարապում:

Ասեց.— Ես էլ ման եմ գալի, մա՛ն. էթում եմ ծովի դրաղը. Վեր եմ գալի իրեք հատ ախշիկ են ըլլում. լեղանում են, հետո խրխեք հագնում են, թոնում են. իմ թամաշեն էլ էդ ա:

Լիսը բացվեց. ըդոնք վե կացան ու գնացին: Քաշալը դուռ էկավ ու գնաց:

Գնաց էդ քաղաքի դրաղը, տեհավ, է՛, առչը գնացե, էդ քաղաքիցը դուռ պառկեւ ա: Գնաց, առչին մոտացավ, հալահու արեց, առչը փախավ: Գնաց, առչի տեղը պառկեց, անկանջ արեց գետինը: Տեհավ ջրի գրողոցը լավ գալիս ա:

Վե կացավ, էկավ էդ քաղաքի մեջը ման էկավ, տեհավ՝ էդ քաղաքը բիրատի ֆորի ջուր են խմում:

Ասեց.— Իմ ուզածը տաք, ես ձեզ համար ջուր կբերեմ:

Թոփ էլան քաղաքի մարդիկը, ասեցին,— Քաշա՛լ, որ ջուր բերես, բերանդ ինչ պտըտա, կտանք:

Ասեց.— Երկու հարուր բահավոր տվեք, էթանք վերև:

Երկու հարուր բահավոր վե կալավ ու գնաց:

Գնաց, էդ առչի պառկած տեղը քանդեց. ջուրը բացվեց, հինգ ջաղացեն ջուր վե կալավ, բերեց քաղաք:

էկան, թոփ էլան Քաշալի գլուխ, ասեցին.

— Դե՛ ուզա, ինչ որ տանք, քեզ արժան ա:

Մաշկի թայը հանեց, դրեց ըստրանց աղաքը, ասեց.

— Զատ չեմ ուզում, ըստրա թայն եմ ուզում:

Վե կալան, թամաշա արին, մեկը սալդ շտվեց, ասեցին.

— Ըստրա թայը չենք կարա գթնի:

Գնաց, սարը անցկացավ էն դիհը, տեհավ մի սուրու ոխշար արածում ա. գնաց, ոխշարի շոպանի մոտը հասավ, ասեց.

— էս ի՞նչ ոխշար ա:

Ասեց.— Թաքավորի ոխշարն ա:

Ասեց.— Թաքավորի կուշտ պըտի էթամ, ինչ բանի կըլլի հըմի:

Ասեց.— Տունն ա, մի ախշիկ ունի հիվանդ ա. ընդրա վրա պարապել ա. ինչդար հեքիմ են բերում, չեն կարա լավացնի:

Սուրուի մեջը ման էկան. Քաշալը ասեց.

— Ես էթում եմ թաքավորի մոտը, որ ոխշար էկան ուզելու, էս սիվտակ ոխշարը կտաս, կբերի:

Գնաց թաքավորի պալատի դռանը կաղնեց.
 — Ես լավ հեքիմ եմ,— ասեց,— ինչդար դժար հիվանդ ըլլի-
 ես կլավացնեմ:
 Խարար աարան թաքավորին.— Հսենց մի լավ հեքիմ ա էկե:
 Թաքավորն ասեց.— Կանչեք դա նեքսե, տենանք:
 Էկան կանչեցին, տարան: Գլուխ տվեց, կաղնեց:
 Ասեց.— Դու ի՞նչ մարդ ես:
 Ասեց.— Լավ հեքիմ եմ:
 Ասեց.— Ի՞մ ախիկը էս էրկու տարի ա հիվանդ ա. որ լա-
 վացրիր ի՞նչ ուզես՝ կտամ:
 Վե կալավ, տարավ ախիկա մոտը:
 Ասեց.— Ղրկեք շոպանի մոտը, մի հատ սիվտակ, ճակատը
 դաշղա ոխշար կա, վե կալի բերի:
 Ղրկեցին, դնաց էն ոխշարը բերեց: Բերեց մորթեց, ղլուխը
 քցեց փուռը. լավ էփեց, ճղճղեց, միսը մի տարեկթի մեջ դրեց. վե
 կալավ, գնաց թաքավորի մոտը, թաքավորն ասեց.
 — Վե կա՛լ, տա՛ր:
 Տարավ դրեց ախիկա աղաքը, դեղը ցանեց վրան, զոռով քիչ-
 քիչ ուտացրեց, ոխշարի գլուխը սաղ կերավ. էլավ մորե մեկ, կաղ-
 նեցավ ընտե:
 Հդտեղ ասեց թաքավորը.— Մալըն մալալա վեր, դղըն քա-
 շալա, ես էդ ախիկը կտամ քեզ, դու կըլլես ինձ փեսա, իմ պա-
 լատի իրավունքը ամենը կհանձնեմ քեզ:
 Ասեց.— Թաքավոր ապրած, շնորհակալ եմ:
 Մաշիկը ծոցից հանեց ու ասեց.
 — Հստրա թայն եմ ուզում:
 Թաքավորը թամաշա արեց, ասեց.
 — Հստրա թայր ոչ տեսել ենք, ոչ էլ կըլլի:
 — Շնորհակալ եմ, իմ ուզածը մաշկի թայն ա, որ չկա՝
 ի՞նչ անեմ:
 Վե կացավ, գնաց ծովի ղրաղը, տեհավ՝ ասլանը դարի գըլ-
 խին պռկել ա: Ասլանը դրան տեհավ՝ քաշվեց, գնաց:
 Գնաց, ասլանի տեղը նստեց. ծովի ղրաղն էր հենց: Էրկու
 սահաթ նստեց, թամաշա արեց. տեհավ, իրեք հատ աղունիկ
 էկան. խրխեքը հանեցին, իրեք հատ ախիկ էլան, որ շուտե՛ս,
 չխմե՛ս թամաշա անես ըդրանց.

Քաշալն ասեց.— Մերը մեռնի Քաշալի, ըդրանք չբռնի, չի դին-
ջանա: Դարի գլխիցը վազեց, շարի հասավ, ըդոնք խրխեքը հագան
ու թռան զնացին:

Քաշալն էկավ, ծովի դրաղը կաղնեց, ասեց.

— Մերը մեռնի Քաշալի, ըսկի բան իմ ձեռիցս չպրծավ, համա
բստոնք պրծան: Տեհավ մե բարալիկ մուխ ա գուս դալի ծովու մի-
ջիցը. հենց էդ մուխն բռնեց, սըկվեց ջրի տակը: Գնաց, տեհավ մի
լավ օթախ ա, թամաշա արեց՝ հայլիքը շորս դին շարած, դիվանիքը
դրած, տեհավ ստալնեի վրա մի բլութ փլավ, մի աղունիկ էփած,
դրած ա ըստեղ, տեհավ ընտեղ էլ իրեք ստուլ էր, իրեքի վրա էլ կար:

Գնաց մի ստուլի վրա կաղնեց, մի կտոր աղունիկից կտրեց կե-
րավ, փլավն էլ հետը. գնաց էն մեկիցն էլ կերավ. դնաց էն մի ստո-
լիցն էլ կերավ: Մի թաս էլ գինի խմեց:

Ման էկավ, տեհավ իրեք շուխտ, մի թայ. հը՛, իրա մաշիկիցը:
Մինը վե կալավ, դրեց ծոցը. էն մեկելներուն ձեռ շտվեց:

Հըմի ման ա գալիս՝ գա. որտե էթում ա՝ ջուր ա, շշկլեց, մնաց
միջին. իլաճը կտրվավ, գնաց, մի պուճախ պառկեց:

Մեկ էլ էն տեհավ, իրեք հատ աղունիկ ֆռռալով էկան օթախի
մեջտեղը վեր էկան. խրխեքը հանեցին, իրեք հատ ախլիկ դառան.
աշխարքումը ըդենց բան չկա:

Ամենքը մի հատ ստուլի վրա նստեցին, ասեցին.

— Վաղուց ա իրար չէինք տեհե. մի՛ ուտենք, քեֆ անենք:

Մեծ ախլիկն ասեց.— Յավաշ, բան ասեմ. իմ ուտիլ-խմիլը
հարամվեց. ես ֆեւ ի արե, էթում ի գերեզմանատունը մեռելներին
թամաշա ի անում. մեկ օր էլ գնացի, թամաշա արի էլի. ուզեցա
դուս գայի, էթայի, մուսուպաթ քաշալ պատահեց: Էնդա՛ր իրար ա-
ռանք, իրար հեղդեցինք, որ շար լիսը բացվեց. անճախ մաշիկս ըդ-
րա ձեռը մնաց, ես փախա պրծա, ինձ հարամ ձեռ ա դիպե, հալ-
բաթ իմ փլավիցն էլ կուտեն, իմ աղունիկիցս էլ:

Էն մեկը ասեց.— Ա՛յ քիր, յավաշ, իմն էլ ասեմ. սեր արեցի.
թաքավորի տղին մեռցրի, տարան թաղեցին. գշերը կէթայի վեկաց-
ների, սերի վարոցով կտայի, կսաղացների. շարի լիս հետը քեֆ կա-
ների, էլի կտայի՝ կմեռներ, կթողայի կէթայի: Մի գշեր էլ վե կտցրե-
ցի թաքավորի տղին, քեֆ արեցինք. էլի մեռցրի, ուզում ի էթայի.
մի մուսուպաթ քաշալ էկավ, ասեց. «Քու մերը մեռնի ո՛ւր ես
էթում», հասավ ինձ, շարի լիս էնդա՛ր իրար հեղդեցինք, անճախ

ձեռնիցս ճիւղոտը խլեց, թողացի փախաւ Ինձ հարամ ձեռն ա դիպեց, հալբաթ իմ փլավիցն էլ կուտեն, իմ աղունիկիցն էլ:

էն մի քիւրն էլ ասեց.— Ա՛ր քիւրեր, իմ վրա էլ ա հարամվե, յա-վաշ, իմն էլ ասեմ. սեր ի արե, մի հատ վիշապ ի դառե ես, թաք-վորի քաղաքի դճամուռ չորս բոլորը կտրել ի, ծովու մեջտեղ բանդ արել: Քաշալի մեկն էկավ, ձեռն քցեց, ղնչիս իղմեն բռնեց, դռչիս տվեց. խղմենս պոկ էկավ, մնաց ձեռին. ես անճախ փախա. ինձ հա-րամ ձեռն ա դիպե, հալբաթ իմ փլավիցն էլ կուտեն, իմ աղունիկիցն էլ:

Ասեցին.— էդ անողը ըստի պատահի, իրան մուրադը կկատա-րենք:

Մի քիւրն ասեց.— Հնար չկա, օձը իրա պորտովը, ղուշը իրա ղանատովը չի կարա դա ըստե, էն մո՛նց կարա դա:

Մի քիւրն էլ ասեց.— Մարդ չի կարա դա, բա էս փլավից, աղուն-նիկից ո՛վ ա կերե:

Ասեցին.— Ուտողը ղոչախ ա, թո դա, ըստե կաղնի:

Քաշալն դուռ էկավ, ասեց.— Մերը մեռնի Քաշալի, Քաշալն ա կերե,— վե կացավ, կաղնեց:

Ասեցին.— Ուտիլը հավատացինք, մեր նշանները բեր տենանք:

Ասեց.— Նշաններդ ի՞նչ ա:

Ասեցին.— Մի հատ մաշիկ ա, մի հատ ճիւղոտ ա, մի պնչի խղմա ա:

Քաշալը բերեց, իրեք հատն էլ դրեց մեջտեղ:

Ախշկերքը հավատացին. վե կալան դրան, աղբրի մեշը լեղաց-րին. որ լեղացրին, դիխին մաղ էկավ, սիրունացավ, էլավ հրեղեն:

Ախշկերքը բերեցին մեջտեղ նստեցրեցին, ասեցին.

— Դու մերն ես, մենք քունն ենք:— Իրեք օր քեֆ արեցին:

— Ախշկե՛րք,— ասեց Քաշալը,— քառասուն աղբեր գրավ եմ դրե, քառասուն օր թամբել ա, պըտի հեղդեն. էդ մաշկի թայը պըտի տանեմ:

Նո՛ր ախշկերքը ըդրան ծովիցը հանեցին՝ խրխեքը հագան, էլան աղունիկ, Քաշալին դրին թևերի վրա ու թռան: Բերեցին, իրա տատի տանը վե դրին:

Ասեց.— Տատի՛, ի՞նչ կա, ի՞նչ ես լսում:

Ասեց.— Գալիս, ինձ ասում են. «Բու թողը քառասուն դութսախն ա բռնե, էս էրկու օրը պըտի հեղդեն»:

Վե կացաւ, գնաց թաքավորի մօտը. թաքավորին օխտը անգամ
գլուխ տվեց, վրա ութին կաղնեց:

— Հա՛, որդի, մաշիկը բերե՛լ ես:

Ասեց.— Հրաման քե, բերել եմ, մերը մեռնի՛ քաշալի, էթա ու
չբերի՛:

Թաքավորն ասեց.— Դե՛, հանա, տենամ:

Քաշալը դաստախունը մեջքիցը հետ արեց, ասեց.

— Թաքավորը սաղ ըլլի, մի ջուխտ քու կնկան փեշքաշ, մի
ջուխտ էլ հարսիդ փեշքաշ, մի շուխտ էլ քու ախկան, էս էլ մաշիկը,
էս էլ ըդրա թայը: Թաքավորը թամաշա արեց, ասեց.

— Ամենքը իրեք միլիոն ածի, քաշալը ինը միլիոն բախշեց
թաքավորին:

Մարդ լրկեց, ջհտին կանչեցին: Ջհուտն էկավ, կաղնեց:

Մաշկի մի թայը դրեց ստուլի տակը, մի թայը ստուլի վրա:

— Ջհո՛ւտ,— ասեց,— էս քու մաշիկն ա, թայը չբերի, վե կալ
քու մաշիկը, դնա:

Ասեց.— Ախր պայման ենք արե, էն քառասուն մարդը պըտի
հեղդվի:

Ասեց.— Որ մաշկի թայը բերե՛ր:

— Որ բերեր, համ ինձ պըտի հեղդեիր, համ իմ մալը պըտի
տայիր ըդրան:

Ասեց.— Վճիռն րտե՛նց ա:

Ասեց.— Ըտենց ա:

Թաքավորը մաշիկի թայը հանեց, գրեց մաշիկի կողքը:

Ջհուտը, որ տեհավ, ձենը կտրեց քիպ, էլ չկարաց խոսա:

Թաքավորը հրամայեց՝ ջհտին հեղդեցին, տուն տեղ հանձնեցին
Քաշալին: Գնացին էն քառասուն հարամուն հանեցին, բերեցին թա-
քավորի մօտը կաղնացրին: Քառասուն հարամուն էլ էդ պալատի
մեջը պաշտոն տվեց, Քաշալին էլ կարգեց ամենի գլխավոր:

Քաշալին ասեց.— Արի՛, քե պսակեմ, իմ ախշիկն էլ ուզես՝
տամ:

Ասեց.— Ինձ ունեմ իրեք հատ նշանած:

Թաքավորը հրամայեց, իրեքն ըդրա վրա պսակեցին, ինքն էլ
էլավ քավոր: Պալատի ամեն իրավունքը տվեց Քաշալին:

Քաշալն մի ջուխտ մաշիկը տարավ, հագցրեց, բերեց:

Ընդոնք հասան իրանց մուրազին, դուք էլ ձեր:

Ջհուտն էլ իր ղազապին. նըհախ մարդու տեղն էդ ա: